

Aeninum fell. 13. cap. 8. Semper in Ecclesia Dei mos fuit, ut laici a Sacerdotibus communionem acciperent: Sacerdotes autem celebrantes seiplos communicarent: qui nos, tamquam ex traditione Apostolica descendens, iure ac merito reprobare debet.

13 Dico, secundo, non omnes Sacerdotes possunt hoc sacramentum licite ministrare, sed solum illi qui habent potestatem jurisdictionis, vel ordinariam, vel delegatam.

Hec etiam conclusio est omnino certa: ita enim generaliter de sacramentis habetur in Clementina Dudum, de sepulturis, & in particulari de isto in Concilio Carthaginiensi l. cap. 7. & Milevitano cap. 18. & Lateranensi l. cap. Omnis utriusque sexus. Ratio vero est, quia est administratio Eucharistia non sit actus judicialis, sicut est poenitentia administratio, est tamen proprius Pastoris actus, & quidem magis quam actus publice docendi populum, cum sit actus pascendi gregem Christi spirituali pabulo carnis Domini: Ergo ad licite administrandum hoc sacramentum potestas jurisdictionis vel ordinaria vel delegata requiritur. Unde Leo Papa Epistola Decretali ad Theodorum Episcopum Forojuliensem relata in capit. Multiplex 49. de Poenitentia distinct. 1. Mediator Dei & hominum homo Christus Jesus, hanc Præpositi Ecclesie tradidit potestatem, ut & consecratis actionem Poenitentia darent, & usum salubri satisfactione purgaret, ad communionem sacramentorum per Januam reconciliationis admittentes. Ex quibus inferes, esse peccatum mortale ministrare Eucharistiam sine debita jurisdictione aut facultate, quia est usurpare jus alterum in re gravi, & cum animarum periculo, per se loquendo, & contra pacem & debitam gubernationem, & ordinem Ecclesie. Porro jurisdictione ordinaria residet in superioribus quorum officio connexa est, ut in Summo Pontifice pro universa Ecclesia, in Episcopo pro sua Diocesi, in Parocho pro sua Parochia. Extraordinaria vero seu delegata residet in illis quibus a superiori communicata est, uti illam per Bullas Pontificias habent Religiosi mendicantes, unde licite possunt in suis Ecclesiis Eucharistiam quovis anni tempore, præterquam in die Paschatis, & in articulo mortis, ministrare.

13 Advertendum est autem, hoc inter administrationem sacramenti Poenitentia & Eucharistia reperiri discrimen, quod pro administratione poenitentia requiritur approbatio Ordinarii, non vero pro administranda Eucharistia, cum utriusque non sit eadem ratio: nam in Sacramento Poenitentia requiritur scientia, quæ distinguitur peccata, requiritur etiam specialis probitas ministris, propter specialem familiaritatem cum poenitentibus: semel autem hostia consecrata, eam ministrare, has difficultates non habet, unde praxi receptum est, quod simplices Sacerdotes ab Ordinario non approbati, ex expressa vel tacita Parochi licentia, Eucharistiam ministrant.

14 Dico tertio, Diacono ex officio convenit sanguinem Christi dispensare, non vero corpus, ex commissione tamen Sacerdotis: cuius est ministrare. Ita S. Thomas hic art. 3. ad 1. ubi ait: quod Diaconus, quasi propinquus ordini Sacerdotis aliquid participat de eius officio, ut scilicet dispenser sanguinem, non autem corpus, nisi in necessitate, jubente Episcopo, vel Presbytero. Primo quidem, quia sanguis Christi consistit in ossibus, unde non oportet quod tangatur a dispensante, sicut sanguis corpus Christi. Secundo, quia sanguis designat redemptionem a Christo in populum derivatam: unde & sanguis admiscetur aqua, quæ significat populum. Et quia Diaconi sunt inter Sacerdotes & populum, magis convenit Diaconis dispensatio sanguinis, quam dispensatio corporis: Idem docet in 4. dist. 13. quest. 1. art. 3. quaestione 2. ubi sic dicitur: Si Sacerdos participat aliquid de virtute perfectioris, quæ est Episcopi, ita Diaconus participat aliquid de dispensatione hujus sacramenti: competit enim ei ex officio sanguinem Dominus dispensare, sed non corpus: quia dispensator corporis oportet quod ipsam corpus tangat, non autem dispensator sanguinis: Diacono autem non licet corpus Christi tangere, cum non habeat manus sacratas: & ideo non debet corpus dispensare, nisi de mandato Presbyteri, vel Episcopi, vel Presbytero longe posito in casu necessitatis. Vel ideo dispensat sanguinem, & non corpus, quia per sanguinem significatur redemptionis mysterium, quod a capite Christo in membra diffunditur officio ministratum, unde & sanguis aqua quæ populam signat, admiscetur: sed incarnatio quam corpus Christi signat, non est humano ministerio facta. Quibus verbis S. Doctor conclusionem nostram & docuit & præhavit. Potestque confirmari ex antiqua praxi Ecclesie: antiquitas enim quando vigebat usus communionis sub utraque specie, dispensatio sanguinis pertinebat ad Diaconum, ad quem tamen non pertinebat dispensatio corporis, ut constat ex verbis S. Laurentii ad Sixtum: Experire utrum idoneum ministrum fuerit, cui commissi Dominici sanguinis dispensationem: ex Cypriano ferm. de lapsis, & Ambrosio lib. 1. de officiis cap. 14. Jam vero usus ille cessavit in populo: durat tamen in Capella Pontificia, ut Durandus dist. 13. quest. 4. refert, nam dum ipse sollempniter celebrat, post sumptio-

nem corporis solum vadit, & tunc Diaconus consecratum ecclesie ei affert & porrigit.

Dico, Diaconus solum ex commissione Sacerdotis habet quod sanguinem Christi populo dispense: Ergo id non habet ex officio. Unde in ordinatione Diaconi nulla fit mentio hujus actus, sed solum datur ei potestas legendi Evangelium, quæ nullam habet cum dispensatione sanguinis connexionem.

15 Respondeo, concessio Antecedente, negando Consequentiam: licet enim dispensatio sanguinis Christi conveniat Diacono ex commissione Sacerdotis, hæc tamen commissio non datur ei ad libitum Sacerdotis, sed ex officio suo habet Diaconus ut hoc ei committatur, quia officium ejus est ministrare Sacerdoti in consecrando & dispensando. Unde in cap. Diaconus dist. 23. sic dicitur: Diaconus dum ordinatur, ad ministerium consecratur. Ex quo patet solutio ad illud quod subditur, ut enim Diacono ex officio competat potestas dispensandi Christi sanguinem, non requiritur quod hujus facti expressa mentio in ejus ordinatione, sed satis est quod in ea declaratur, ipsum ad ministrandum immediatè Sacerdoti consecrari: ex hoc enim colligitur: quod Diaconus ut propinquus ordini Sacerdotis aliquid participat de eius officio, ut scilicet dispenser sanguinem, non autem corpus, ut ait D. Thomas supra relatus: Ex quo

16 Inferes, quod licet Dominici sanguinis dispensatio possit etiam nunc ab ipso ulla necessitate committi Diacono, & de facto adhuc committitur, dum Summus Pontifex sollempniter celebrat, ut supra ex Durando retulimus: non tamen dispensatio corporis, si nulla cogat necessitas. Si vero necessitas cogit, & Sacerdos abest, potest Diaconus corpus Christi infirmo ministrare, ut colligitur ex Concilio Niceano 1. can. 18. vel 14. alia versione, nam in eo, abente Sacerdote, conceditur Diacono potestas, ut ipse & Ciborio præferat sacramentum, & sumat: Igitur a fortiori poterit idem Diaconus, in casu necessitatis, si nullas adest Sacerdos, Eucharistiam infirmo ministrare. Immo si ex negligentia aut nequitia nollet Sacerdos, etiam a Diacono monitus, Sacramentum deferre infirmo, potest Diaconus illo invito sumi manus prestare, & misero infirmo in extremis succurrere, ut ait Soto in 4. dist. 13. q. 1. art. 3.

17 Id etiam posse Subdiaconum, immo & Laicum censent Suarez, Valentinus, Coninck, & alii Recentiores, quibus favet Cajetanus Matth. 26. versu 26. ad illa verba: Accipite & comedite, dicens: Adverte hic quod sicut Ecclesia laudabiliter pro reverentia Eucharistia non utitur Eucharistia cibo, nisi jejunus, necendo extrema agritudine articulo, licet Dominus inter convandum communicaverit discipulis: ita laudabiliter pro reverentia Eucharistia ab ipso ab isto modo manducandi. Accipite & comedite, ut novissis sacris manibus tangatur Eucharistia. Verum ad imitationem Christi, communicare tali modo in articulo necessitatis, non esse inconveniens: Sicut etiam non jejunus, ut dicitur est, in articulo necessitatis communicamus. Est autem necessitatis articulus, si tempore epidemia non haberetur Sacerdos communicans more Ecclesie solite, sed haberetur Sacerdos, qui prope afferret Eucharistiam, & locando super preparatam locum, diceret communicantibus prope expectantibus & adorantibus. Accipite, comedite, possent enim reverenter accipere & comedere, sicut fecerunt Christi Discipuli, qui acciperunt a Jesu non manu ad manum, sed ex mensa, cum sederent multi in tanta Hispania, ut manus Jesu manibus eorum non posset jungi. Crediderim ego, quod sicut unum calicem communem omnibus realiter, ita in una patina panem in duodecim buccellas fractum, manibus propriis tradidit, & quod hinc Ecclesia usum patinarum Apostolica traditione accepit. Ita quod sicut calicem unus Discipulus dedit alii, ita patinam cum pane sancto propinquiores Jesu remotioribus successivo porrexeerunt.

18 Opposita tamen sententia, quæ negat in ullo casu licitum esse Subdiacono vel Laico ministrare hoc sacramentum, & communicare vel probabilior est, doceturque expressè a D. Thoma, qui quamvis Laico in necessitate corpus Christi tangere, licitum esse concedat hic artic. 3. in fine corporis articuli, in nullo tamen casu admittit licere ei illud aliis ministrare: sed in 4. sent. dist. 13. q. 1. artic. 3. quaestione 1. ad 3. dicit: in casu necessitatis potest & debet corpus Christi tangere, etiam si sit peccator, ut si in aliquo loco immundo jaceret, etiam non est simile de dispensatione sacramenti, quia receptio hujus sacramenti non est necessitatis. Unde et qui non potest sacramentaliter manducare, dicendum est, Crede & manducasti. Quibus verbis sanctus Doctor rationem fundamentalem indicat cur laico in nullo casu licitum sit ministrare hoc sacramentum: decet enim ob dignitatem tanti sacramenti, & rei in illo contentæ majestatem, ut non nisi a Sacerdote & in solo casu necessitatis tantum a Diacono administretur: aliunde vero cum non sit ad salutem necessarium, sed tantum utile, fideles etiam in articulo mortis constituti non tenentur illud recipere, nisi cum debitis circumstantiis ad ipsius reverentiam, quæ private persone utilitati prævalere debet, requi-

ARTICULUS I.

An Missa, seu celebratio Eucharistia, sit vere ac proprie sacrificium?

§. I.

Hujus nominis Missa Etymologia, & antiquitas explicantur.

Nomine Missa, actio illa sacra intelligitur, qua in Ecclesia Catholica conficitur Eucharistia, multis precedentibus & subsequentibus precibus, & exornationis, quam actionem Græci Liturgiam vocant. Difficultas vero & controversia est inter Auctores, an vox illa Missa Hebraica sit, vel Latina? Hebraicam esse docet Concilium Senonense in decretis fidei cap. 11. tenentque plures Scriptores, cum Cardinali Baronio tomo 1. anno Christi 34. num. 59. ubi hæc scribit: Neque tamen prætermittendum, quod cum multa sint hujus sacrificii nomina, illud est antiquissimum, & apud Latinos usitatum, atque frequentius, Missa, quod quidem (sicut & Christiana fides proficitur) ex Hebraica vel Chaldaica nomenclatura acceptum esse videtur. Quod enim in nostra Vulgata legitur Deuter. 16. spontaneæ oblatio Hebraice & Chaldaice dicitur Missah, quam offerbant Domino in gratiarum actionem de fructibus terræ, quæ & vescebatur in templo, cum recordatione præteritis servitutis, & ab eadem liberationis. Quæ quidem omnia, cum optime conveniant prædicta a Christo instituta sacrificio: eo præsertim Majori nobis usi sunt nomine, quæ in usum alterius sacrificii.

Alii vero censent, vocem illam, nullo modo Hebraicam esse, aut ab Hebraica derivatam, alioquin cum omnes Christianæ nationes sicut alias hujusmodi retinissent, quæ sunt Amen, Alleluja, Sabash, &c. Nam & Græci his omnibus utuntur, voce autem Missa non item, sed pro Missa, Liturgiam dicunt. Immo Syri & Maronitæ, qui Chaldaica lingua Missam celebrant, vocem Missa non habent, & ex SS. Patribus Origenes, Justinus, Epiphanius, & Hieronymus, Hebraicæ lingue periti, hæc vocem nunquam usi sunt. Hanc ergo vocem volent esse Latinam, a verbo missa deducunt, & nonnulli cum Hugone a S. Victore lib. 2. de sacramentis p. 8. cap. ultimo existimant celebrationem Eucharistia Missam dici, ex eo quod in illa oblatio & preces ad Deum mittantur: sicque illorum verborum quæ in fine Missæ dicuntur, Ite Missa est, sensum esse, abire licet, quia oblatio & hostia salutaris jam transmissa est cum precibus ad Deum pro vobis. Ita D. Gregorius libro 4. Dialog. capit. 58. ubi hæc scribit: Dicitur Missa quasi transmissio, eo quod populus fidelis per ministerium Sacerdotis qui fungitur vice mediatoris inter Deum & homines, preces & supplicationes & vota transmittat Altissimo. Ipsum vero sacrificium, id est hostia, Missa vocatur, quasi transmissa: primum nobis a Patre, ut esset nobiscum per incarnationem: postea Patri a nobis, ut intercedat pro nobis ad ipsum pro passionem: ut & in sacramento primum nobis a Patre per justificationem: postea Patri a nobis per oblationem. Similia docet sanctus Thomas hic articulo 4. ad 9. his verbis: Propter hoc etiam Missa nominatur, quia per Angelum Sacerdos preces ad Deum mittit, sicut populus per Sacerdotem. Vel quia Christus est hostia nobis missa a Deo, unde & in fine Missæ Diaconus in festivo diebus populum licentiat dicens, Ite Missa est, scilicet hostia ad Deum per Angelum, ut scilicet sit Deo accepta. Non pauci verum cum Alcuino lib. de officiis Ecclesiasticis, cap. de celebratione Missæ, Missam dici volunt a remissione hujus dimissionis populi, ut idem sit Missa, quod missio: sicut idem sunt collecta & collectio, sicque illorum verborum: Ite Missa est, sensum esse, jam dimissio est congregacionis, abire omnibus licet: quia jam dimissi estis.

Quidquid fit de hujus nominis etymologia, & significacione, certum est illud esse antiquissimum, ut ostendit Baronius ubi supra num. 60. dicens: (Ea vox usque videtur suo ipsius exordio Romani Ecclesie, nam Pius Papa, & proximus Apostolorum temporibus, scribens ad Iulium Episcopum Viennensem, idem sacrificium Missam vocans, sic dicit, ut habetur tomo 1. Bibliothecæ veterum Patrum: Soror nostra Eusebia, sicut bene recordaris, scilicet domus sub pauperibus assignavit, ubi tunc cum pauperibus nostris commorantes, Missa agimus. Item Cornelius Papa Episc. ad Lupicium Viennensem Episcopum, his utitur verbis: Publice, neque cryptis minoribus, Missas agere Christianis licet. Eodem usi sunt nomine ceteri Romani Pontifices quos longum esset sigillatim recensere. In Concilio Romano, sub Sylvestro in fine: in Concilio Carthaginiensi 2. can. 3. in Concilio Agathensi cap. 47. & aliis, Patres qui interfuert eodem quoque Missa pronominem, ipsum incrementum sacrificium nominantur, sicut & Ambrosius ad Marcum Epistola 33. Angustinus sermon. 251. de

DISPUTATIO XI.

De Sacrificio Missæ.

Ad quæst. 83. D. Thomæ.

Sicut in veteri testamento Agnus Paschalis non solum habuit rationem sacramenti, sed etiam sacrificii, ita & in nova lege Eucharistia utraque fortitur rationem, cum non solum instituta sit in salutem animarum nostrarum, ut cetera sacramenta, sed etiam in peculiarem cultum Dei, quomodo habet rationem sacrificii, quo supremum ipsum dominium, & potestatem quam habet in vitam & in mortem omnium protestatur. De Eucharistia in ratione sacramenti considerata, hæc usque disputavimus: nunc superest nobis agendum de Missæ sacrificio, circa quod variæ & celebres occurrunt difficultates & controversie, breviter hic discutendæ. Plura vero quæ de sacrificio in comuni, variisque ejus speciebus, aliqui Theologi hic fuisse expendunt, prætermittimus, quia de his sufficienter egimus in Tractatu de quatuor Virtutibus Cardinalibus disp. 3. art. 3. explicando actus externos religionis, inter quos sacrificium precipuum locum obtinet.

tepp. Viderit Uticens lib. 2. de persecutione W...

Declarata igitur hujus nominis etymologia & antiquitate, celebris est Catholicorum cum hereticis concertatio...

§. II.

Hæreticorum error refellitur, & veritas Catholica defenditur & stabilitur.

Deo igitur, Missa, sive celebratio Eucharistie est, vere & proprie sacrificium.

Probatur primo: Lex gratiæ, seu Ecclesia Christi, habet verum & sibi proprium sacrificium: Sed verum & proprium legi gratiæ sacrificium nullum aliud esse potest...

Nomine autem sacrificii, non possunt intelligi sacrificia Judæorum, quia non fuerunt in Gentibus nec in omni loco ab ortu solis usque ad occasum...

Nec demum valet responsio Calvinii dicentis, Prophetam locum de sacrificio invisibili & spiritali, quod consistit in fide crucis Christi, oratione, gratiarum actione, & aliis bonis operibus.

Psal. 65. Augustinus contra Adversarium legis & Prophetarum cap. 20. Damascenus lib. 4. cap. 14. & Julius Martyr in Dialogo cum Triphone, locum illum Malachie exponunt de sacrificio Missæ.

Nec obstat quod Augustinus libro 2. contra litteras Peüllani caput 86. & Hieronymus super caput 1. Malachie, verba illa de sacrificio laudis interpretantur, ut opponit Calvinus: nam ita hunc locum de sacrificio laudis interpretantur, ut non excludant proprium sacrificium: tevera enim sacrificium Missæ cum laude offertur, & vocari potest sacrificium laudis, dummodo non excludatur proprium sacrificium.

Probatur secundo Major principalis alii Scripturæ testimonio, Danielis enim 11. quidam Rex dicitur ablatum esse Antiochus & per allegoriam Anti-Christum, ut fatentur sectarii: quare sensus doctrinæ illius loci est quod sicut Antiochus ablatit iuge sacrificium Judæorum, ita Anti-Christus in fine mundi auferet iuge sacrificium Christianorum.

Si dicas, ex allegoriis Scripturæ non desumi solidum argumentum. Respondeo quosdam allegorias explicari ab ipsamet Scripturâ, alias non explicari: ex his autem quas Scripturâ explicat, non minus solidum argumentum deduci, quam ex sensu litterali: nostram vero allegoriam explicari ab ipsâ Scripturâ patet, quia quod Daniel scribit de Antiocho explicatur 2. ad Thes. 2. de Anti-Christo.

His locis addo alterum ex Psalm. 71. v. 16. desumptum, ubi vulgata nostra lectio sic habet: Erat firmamentum in terra, in summis montium, quæ verba alii ex Hebraico fonte sic reddunt: Erat particula frumenti in terra in capite montium. Sed Rabbi Jonathas, qui ante Christum natum scribebat, paulo aliter explicat: Placenta (inquit) panis fiat sacrificium in capitibus Sacerdotum qui sunt Ecclesiæ.

Tertia Major principalis probatur: in Ecclesia Christi datur altare: Ergo & verum & proprium sacrificium. Consequentia patet, quia sacrificia spiritalia, & bona opera, non indigent altari ut fiant, sed solum sacrificium proprie dictum. Antecedens vero negatur a Calvino, sed decetur ab Apostolo ad Hebr. 13. ubi ait: Habemus altare Græce dicitur sacrificiorum, id est sacrificiorum de quo edere non habent possessionem qui tabernaculo deserviunt: Ergo verum & proprium sacrificium in lege nova reperitur.

His Scripturæ & Patrum testimoniis succedit ratio quæ eadem Major suadet: Nam Christus Ecclesiam suam instituit, & novam legem condidit, non debuit eam delituere eo genere cultus, quo maxime Deus colitur, & quod omni hominum generi & nationi notissimum fuit: Sed modus colendi Deum per sacrificium est hujusmodi; cum per illud supremam Dei excellentiam & potestatem, summumque quod habet in vitam & in mortem dominium prosteremus. Nulla etiam fuit lex seu religio vera falsâ sine sacrificio ut ex historie sacre ac prophana Auctoribus liquet, præsertim ex Pluraculo contra Colotem, dicente fuisse quidem urbes aliquas nullis

nullis mœnibus oclusas, nullis litteris vel scientiis aut artibus expollitas, a nullis ducibus aut principibus gubernatas; sed nullam hæcenus fuisse sine aliquo cultu exteriori & sacrificio, quo veram aut falsam divinitatem coleret, additque urbes sine fundo potius aut terra reperi posse, quam sine aliquo visibili cultu & sacrificio, quo cultum seu venerationem divinitatis five vere five falsæ protestetur. Unde Augustinus 19. contra Faustum ait: In nullum nomen religionis, sive verum sive falsum caduntur homines nisi, nisi aliquo sacrificio & sacramentorum visibilibus ministerio colligentur: Ergo in nova lege & in Ecclesia reperitur aliquid verum & proprium sacrificium.

Confirmatur: Sacrificium est de jure naturæ, ut docet S. Thomas 2. 2. quæst. 85. artic. 1. Sed quod est de lege naturæ, non tollitur, sed confirmatur per legem gratiæ: Ergo in lege gratiæ datur aliquid verum & proprium sacrificium.

Confirmatur amplius: Nulla est ratio ob quam Christiana Republica caret potius sacrificio vero & sibi proprio, quo publice Deum colat, quam Synagoga, vel Ecclesia quæ fuit tempore legis naturæ: Ergo non debet illi denegari. Consequentia patet, Antecedens probatur. Si quæ afferri possent ratio, illa esset quam assignat Sedarrii, nimirum, quia Christus per sacrificium Crucis plene satisfecit pro peccatis omnium hominum: Sed hæc ratio non valet: Ergo, &c. Minor probatur: Tum quia Christus in Cruce satisfecit pro peccatis hominum, non solum in nova lege existentium, sed etiam pro peccatis eorum qui fuerunt in lege naturæ, & in lege scriptæ, & tamen in utraque illa lege vera fuerunt sacrificia. Tum etiam, quia licet Christus in Cruce perfecte quoad sufficientiam pro nobis satisfecit, tamen quoad efficaciam requiritur amplius quod satisfactio illa nobis applicetur per instrumenta & media quibus in nos passio Christi sua merita infundat, quæ media sunt sacramenta & Missæ sacrificium. Unde egregie Cæsarius Arelatensis homilia 7. de Paschate: Quia corpus assumptum ablatum erat ex oculis nostris, & sibi illud illaturus, necessarium erat ut nobis in hoc die sacramentum Corporis & Sanguinis consecraret, ut coleretur juxta per mysterium, quod semel offerretur in pretium; ut quia quotidiana, & indefessa curaretur per hominum salutem redemptionem, perpetua etiam esset redemptionis oblatio, & perennis victima viveret in memoria, fide æstimanda, non specie; non exteriori consensu visis, sed interiori aspectu.

Probatur secundo conclusio: Christus instituit Eucharistiam, verum Deo obtulit sacrificium: Ergo cum in Missa illud idem fiat quod ipse fecit, juxta illud: Hoc facite in meam commemorationem, Missa est verum in nova lege sacrificium. Consequentia patet, Antecedens vero probatur primo ex SS. Patribus asserentibus Christum in cena ultima hoc sacramentum instituentem, vere sacrificasse; & sicut Agnus Paschalis prius sacrificabatur, posteaque in cibum dabatur: ita Christum prius seipsum sacrificasse, & postea se in cibum dedisse. Ita docent Gregorius Nyssenus hom. 1. de Resurrectione, Hefychius 1. 2. in Levit. Cyprianus serm. de cœna, & Epiph. 63. Leo Papa serm. 7. de passione, & Rupertus 1. 2. in Exodum cap. 6. & alii: Verba Nysseni hæc sunt: Qui omnia pro Dominica potestate & auctoritate administrat, non expectat Pilati iudicium, sed per inoffensibilem, & arcuam sacrificii modum, sua dispositione & administratione præoccupat impetum violentiam, ac sese in oblationem, & victimam offert pro nobis, Sacerdos simul & agnus Dei. Quando hoc accidit? Cum suum corpus ad edendum, & sanguinem suum ad bibendum familiaribus præbit. Cuiusmodi prescriptum est, quod vix vestigiis non possit, nisi confessionem præstans processerit. Cum igitur dederit Discipulis suis corpus ad comedendum, aperte demonstravit, jam fuisse perfectam & absolutam immolationem. Cyprianus vero Episcopus citata hæc scribit: Qui magis Sacerdos Dei summi, quam Dominus noster & Jesus Christus, qui sacrificium Deo Patri obtulit; obtulit hoc ipsum quod Melchisedech obtulerat, id est panem & vinum, hoc est, corpus & sanguinem suum?

Probatur secundo Antecedens: Christus est sacerdos in æternum secundum ordinem Melchisedech, ut ex Psalm. 109. confirmat Apostolus ad Hebræos 7. 8. Sed nisi instituit Eucharistiam obtulerit Deo Patri verum sacrificium, non potest vere talis appellari. Ergo instituit Eucharistiam obtulerit Deo Patri sacrificium. Minor probatur: Ut Christus dicatur Sacerdos in æternum secundum ordinem five secundum ritum Melchisedech, oportet quod conveniat cum Melchisedech in ritu offerendi verum sacrificium, Sed non convenit cum eo in tali ritu, nisi instituit Eucharistiam, obtulerit Deo Patri verum sacrificium; ut enim salvetur hæc convenientia, necesse est quod fuit Melchisedech vere in pane & vino sacrificavit, ita Christus in pane & vino, sive sub speciebus panis & vini, Deo obtulerit verum sacrificium: Ergo &c.

Hæretici ut vim hujus probationis declinent, dicunt Melchisedech, non in sacrificium, sed ad reficiendos mi-

lites Abrahæ, qui fatigati ex prælio redibant, panem & vinum obtulisse.

Sed hæc responsio est contra Doctrinam Patrum, Clementis Alexandrini lib. 4. Stromatum circa finem, Cypriani libro 2. Epistola 3. Eusebii Cæsariensis libro 5. demonstrationum Evangelicarum, Augustini Epistola 95. ad Innocentium Papam, Hieronymi Epistola ad Marcellam, Ambrosii libro 5. de sacramentis cap. 1. & aliorum explicantium locum Genesis 14. de oblatione panis & vini in sacrificium. Eodem modo illum explicant & intelligunt plures veteres ac celebres Rabini, quos refert Genebrardus, Judaicarum rerum peritissimus, in Chronologia, in exordio tertii ætatis. Verba ejus hæc sunt: Rabbi Moses Haddarjam ad Berisith Rabba, contendit Melchisedech tunc Messia ritum incrementi sacrificii aliquando introducitur, speciem, & personam sustinuisse. Rabbi Moses & Salomon, ordinarius Hieronymus interpretæ exponens caput 16. Genesis, & historiam Melchisedech, e veterum Rabbinorum scriptis docet protulisse Melchisedech panem & vinum, ut Mosaicæ legis sacrificia facerent, & libamina repræsentaret. Vale igitur isti Rabini, tunc Melchisedech sacrificasse. Cetera quoque res Melchisedech, plene fuisse perfectissimæ & Mystrici, Rabbi Levi a Talmudicis assererat, quod B. Paulus prosequitur in Epistola ad Hebræos.

Præterea, tres loco citato Genesis narrantur actiones Melchisedech, quorum duæ posteriores funt plane Sacerdotales, benedicere Abrahæ, & decimas ab eo accipere: Ergo prima ejus actio, quæ ibidem narratur, proferendi panem & vinum, etiam fuit Sacerdotalis, & ad Sacrificium pertinet.

Hoc ipsum evidenter patet ex verbis illis proxime adjunctis: Erat enim Sacerdos Altissimi: nam illa particula enim, cum sit causalis, denotat, cur Melchisedech protulerit panem & vinum, hanc fuisse causam; quod cum ille esset Sacerdos Dei, & res illas soleret Deo sacrificare; voluit ex eisdem rebus sacrificium Eucharisticum pro victoria Abrahæ offerre Deo.

Nec obstat quod pro illa particula enim, quæ est causalis, aliz translationes habent particulam Et, vel autem, hoc modo: Et ipse erat Sacerdos, vel Erat autem Sacerdos. Nam ut recte observavit Pererius in Genesim, verba illa exponens: particula copulativa (vau) Latine (Et) sepe in Hebraica lingua usurpatur pro particula enim, vel quia, quod variis exemplis illustrat & confirmat. Nam Genes. 30. ubi vulgata habet: Et meritis propter mulierem quam tulisti, habet enim virum, Hebraice est: Et ipse habet virum. Item Genes. 30. ubi sic legitur: Experimento didici, quæ benedixit mihi Deus propter te, Hebraicum habet: Expertus sum, & benedixit mihi Dominus. Item Jansenius exponens verba illa Luca 2. Benedixit tu in mulieribus, & benedixit fratribus ventris tui, observat positum esse Et, pro quia, idemque multo antea annotaverat Theophilus linguæ. Cum ergo Latinus Interpres, hujus consuetudinis linguæ Hebraice peritus, animadverteret illud Et Hebraicum, loco citato Genesim, idem significare ac enim, vel quia, & hujusmodi particulis causalibus æquipollere, sic vertit: At vero Melchisedech Rex Salem proferens panem & vinum: erat enim Sacerdos Dei altissimi, &c.

Demum suaderi potest conclusio: Omnes ad sacrificium proprie sumptum necessariae conditiones exacte concurrunt in Missa: ibi enim reperitur oblatio rei sensibilis, scilicet corporis & sanguinis Christi, sub accidentibus panis & vini Deo facta: nam ut ait Augustinus libro 4. de Trinit. cap. 14. Quid tam grate offerri & suscipi possit, quam caro sacrificii nostri, corpus essetia Sacerdotis nostri! Non deest etiam Minister legitimus, scilicet Christus & Sacerdotes, quibus dicendo, Hoc facite in meam commemorationem, potestatem adhuc dedit; est enim usitatum in Scriptura, ut verbum sacre pro sacrificare usurpetur, Luca 2. Ut sacerdos secundum consuetudinem legis, hoc est ut sacrificarent. Reperitur quoque in Missa sufficiens hostia immutatio, non quidem per mortem veram & realem Christi, sed vel per consumptionem specierum, quæ fit a Sacerdote celebrante, ad quam corpus & sanguis Christi amittunt esse sacramentale; vel per hoc quod ex vi verborum consecrationis, sanguis penatur seorsim a corpore, licet per concomitantiam simul cum eo existat. Tandem in ea est recognitio supremi Dei domini, cum ad hoc fiat illa oblatio & immutatio hostie: Ergo Missa est vere & proprie sacrificium.

§. III.

Hæreticorum objectiones solvuntur.

Obijciunt primo hæretici: Quod est sacramentum & testamentum, non est sacrificium proprie sumptum: Sed Eucharistia est sacramentum & testamentum: Ergo non est sacrificium proprie sumptum. Minor est certa,





